

*Al Vént ad Tramuntana e l Sól*

*Un dì, al Vént ad Tramuntana e l Sól i cridà, parché ùn al vléa èsar più fòrt ad cl àltar. A un sèrt punt, i véd un viaşadór ch'al gnéa avanti intabarà int al sò mantèl. I dù alóra i decid ch'al sarés-a-stà al più fòrt quél ch'a sarés riusì a far caàr al mantèl al viaşadór.*

*Al Vént ad Tramuntana al cumincia a supiar fòrt, ma più al supiaa più al viaşadór al tgnéa stric al mantèl, tant che ala fin al pòar Vént l à duèst lasàr lè ad supiar. Al Sól, alóra, al cumincia a fars védar in céel e sùbit dòpo al viaşadór, ch'al sentéa cald, as càa al mantèl. E csita, al Vént ad Tramuntana l à duèst riconósar che l Sól l éra più fòrt ad lù.*

*T éla piàsèsta sta stòria? Vót ch'a t la cónta ancóra?*